



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Venerabilis Arnesti, (vulgò Ernesti) Primi
Archiepiscopi Pragensis**

Balbín, Bohuslav

Pragæ, 1664

VII. Coelestis Beatitudinis Radius Ex Iaspide Gemma. Ven. Arnestus Pacificus.

urn:nbn:de:hbz:466:1-42763

VII. COELESTIS BEATITUDINIS RADIUS
 EX IASPIDE GEMMA.
 VEN. ARNESTUS PACIFICUS.

Beati pacifici, quoniam filii DEI vocabuntur. Matth. 5.

Jaspis gemma magnæ apud Veteres authoritatis, omne genus Sennus. l. 100. coloris recipit. Sed quod Smaragdo vicinior, eò nobilior. In Alcasar. in Apoc. in C. 27. v. 18. Bohemia, ait Rudolfi Cæsar Gemmarius, collegi Jaspides rubras, sanguineas, purpureas, albas, variisq; coloribus intermixtas, pulcherrimas, mirabilisq; Naturæ artificio compositas. Tantâ in Bohemia magnitudine reperitur Jaspis, ut magna Statua ex ea elaborari possint. Hæc ille. Gestabatur olim apud Veteres amuleti loco Jaspis; ad sigilla aptissima est, & stomachi doloribus medetur, ut ex Galeno probavit Alcasar. Gratiam & venustatem significat, amicitias conciliat, & Pacem, ut habet Pierius; ideoque muri cœlestis Solymæ, quæ est Uiso Pacis, ex Jaspide describuntur. Hæc igitur gemma pacis, tabulae loco nobis erit. In Jaspide sculpturam Mons Oliveti, seu olearum, oleis consitus, & duo vestigia Christi, qui cœlum inter Olivas ascendit. Inscribe huic Imagini: *Hac iter ad Superos.* Aut si placeat: *In viam Pacis.* Qui enim ad Superos contendit ascendere post Christum, inter Olivæ ramos ascendat; monstrat Oliva viam. Pacificus sit, pacem colat, ut sit filius DEI, qui Solem suum oriri facit, super bonos & malos. Neque illud moveat, quod in gemma Jaspide vestigia notantur: nam Jaspis, non in terræ venis, ut cæteræ gemmæ, sed in summa tellure, & pulvere viarum invenitur. Aptissima item est Jaspis oleis & Ales. l. 100. nemoribus repræsentandis. *Rudolfus II. Cæsar* in scrinio suo mensæ folium habebat, seu tabulam, in qua Jaspides tantâ arte coniunxerat artifex, ut jurares te picturam videre, & nubes, arbores, flumina, villas, montiumque ambitus agnosceres, sed nullâ interim conjunctionis lineâ apparente, vel, si appareret, ad picturam faciente. Hoc opus pretiosissimum, & multis aureorum millibus constans, plurimis annis fuit elaboratum *Praga,* Verè admirandum, quod & Naturæ artificium, & Artificis mirabilem

Kkk z

bilem solertiam ostentabat, inter miracula Mundi (verba sunt
 L.s. de gemmis
 C. 103.
 Anselmi Boëtij Medici Rudolfini) recenseri potuit, & cum Templo
 Diana Ephesæ non injuriâ comparari. Sed ad significatum Imagin-
 nis redeamus. Hanc Pacis virtutem unice dilexit Arnestus, me-
 ritóque Pacis Radio, & Iaspidis Iride cingetur in caelis. Quoties
 Vide suprà l. 3.
 & 4.
 ille Pacem inter Reges, ut antè probavi, conciliavit ! quoties Ca-
 rolo Cesari Pacificæ ramum pretendit Oliva ? Erat velut Oliva fru-
 etifera in domo Domini, quæ etiam ex ejus tumulo sæpius stillavit.
 Hoc ille Pacis itinere, quo Dei Filius olim evasit in coelum, ut
 Columba Noë ramum Oliva, pacato, imbelli, & innocentí ore, de-
 portans.

RADIUS PACIS.

Pax Regno-
 rum est pu-
 pilla.
 Pax optima rerum, quas homini vidisse datur, velut Regni Pu-
 pilla custodienda Principibus est, quia saepe pulveris exigui-
 jaectu turbatur. Ambitio prima est, quæ pede spargit arenam, &
 velut in extrema olim fame clamat in arena & Circo : Humane
 carni pretium impone ! Humanis illa hostijs perlitare desiderat.
 Nec bellorum illi caußæ procul, ingeniosa est. Sed etiam in bel-
 lo & post bellum (quis credit ?) satis citò caussas se putat inven-
 turam. Qui Turicum Opium semel bibere, nil nisi incendia
 (dum vino incalscunt) & sanguinem mente vident. Tales ca-
 vendi, & primò agnoscendi sunt, nè beatos Principes ad sanguini-
 sis dulcedinem degustandam erudiant. Nam isti sine bello vive-
 re in honorum existimant. Statum sibi quandam fecere militiam,
 vexilla hæreditatem : qui bellum turpiter cauponantur, pacem,
 si coelo descenderet, cuperent occidere. Quando igitur regnabit
 Princeps, qui semper militat ? ut ad coeli Beatitudinem securi-
 tas, sic plerumque ad Beatitudinem Regni, Pax desideratur. Cogi
 ad bellum etiam bonus Princeps potest, optimus verò efficit ut
 cogi non possit. Quis semper paratum invadet ? Pacem maximè
 amat, qui Pacem armis custodit. Arma innoxia sunt in Pace,
 cruentant in bello : nam in bello non Princeps, sed gladius Prin-
 ceps ; gladius improbis, etiam Deus est. Inter ea clamat sanguis
 in celum ; ferro & igni Patria dividitur, cùm propè bellum ge-
 ritur;

C. XXIV. COELESTIS BEATIT. VIII. RADII. 447
ritur; si procūl, pecunia migrat, & quis custodiet ipsos custodes? sāpe nec vincere Principi expedīt, victorijs aliquando Regna ceciderunt. Pauca sapienti. O! dirum igitur belli incendium, quod tanto Regnorum periculo constat; quod tot pretijs sustentatur; ac denique quod solo hominum sanguine debet extingui! Beati Pacifici!

VIII. COELESTIS BEATITUDINIS RADIVS
EX ADAMANTE.

VEN. ARN. PROPTER JUSTITIAM PATITVR.
Beati qui persecutionem patiuntur propter Iustitiam, quoniam ipsorum est Regnum Cœlorum. Matth. 5.

ADAMANTEM lapidem Fortitudinis & invictæ Patientiæ symbolum haberi, notius propè est, quām ut debeat scribi. Nam licet ferro & face bellum Adamanti indixeris, nihil timet. Lædit ipse potius patientiæ, & fatigat percussorem. Adamantes plerosque à natura, Tribulæ speciem referre peritissimus, ut apparet, gemmarum Alcasar asseruit, quasi ipsa tribulatio & patientia in Adamantis habitum & constantiam migrare voluisse. Sed illud vulgò ignotum, quod nostri Emblematis figura erit. Adamantem unguibus humanis cedere, & qui malleis frangi & conteri non potest, eundem unguibus aduncis artificum, nullo negotio perdomari & poliri. Anselmi Boëti, Rudolfi Cæsaris Medici, qui expertus est, verba accipe: Adamas, inquit, unguibus humanis, absq; alicujus instrumenti ope, peculiari artificio teritur. Hoc igitur cùm ita se habeat, pingi Adamantem, in quo digitus humani Vnguis Coronam ex Sole & Stellis exsculpat, adjice Epigraphen: Perfectus ad Vnguem.

Vnguem atrocis calumniae symbolum semper habuit antiquitas, hinc vetus proverbium, quo unguem in ulcere molestum vexatorem vocamus, & persecutorem.

Quanta pro Justitia VEN. Arnestus tolerarit, suo dictum est loco. At in pectore summi Sacerdotis Adamas lucens (ut habet Pierius) animum ejus invictum demonstrabat. In Patientia

Kkk 3

fo-